



Inatsisartunut ilaasortaq Jens Immanuelen, Siumut
Inatsisartut Allattoqarfiat

12 FEB. 2016

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Ingerlatseqatigiiffinni namminersorlutik oqartussanit pigineqartuni sulisut atorfinitsitaasarnerat pillugu § 37 naapertorlugu apeqqutigineqartut akineqarnerat

Asasara Jens Immanuelen,

Ingerlatseqatigiiffinni Namminersorlutik Oqartussanit pigineqartuni sulisut atorfinitsitaasarnerat pillugu Inatsisartut suleriaasianni § 37 naapertorlugu Naalakkersuisunut apeqquteqarputit. Apeqqutigineqartut uannut akineqartussanngorlugit ingerlatinneqarsimaput.

Apeqqutigineqartunut akissutigisakka tulleriiaarlugit ataani takutinneqarput.

Inatsisitigut malittarisassat immikkut aalajangersareerlugit atuutsinneqartut saniatigut Naalakkersuisut ingerlatseqatigiiffinni namminersorlutik oqartussanit pigineqartuni atorfinitsinermut tunngatillugu malitassanik allanik aalajangersaasimanersut aallarniutigalugu apeqqutigaat.

Akissut:

Ingerlatseqatigiiffinni namminersorlutik oqartussanit pigineqartuni ajunngitsumik aqutsisoqarnissaanut Namminersorlutik Oqartussat maleruagassiaanni aqutsisut akissarsiaaannut tunngasut pillugit immikkoortoq 6-imi ilanngussisoqarpoq. Taakkunani kaammattuutigineqarpoq siulersuisut aqutsisoqarfimmi sulisunut allatullu aqutsisunut akissarsiaqartitsinermut najoqqutassanik akuersissuteqassasut, taakkunanilu akissarsiat immikkullu atugassarititaasut kiisalu taakkununnga tunngavilersuutit nassuiarneqassasut.

Kaammattuutit assigiinngitsunik akissarsiaqartitsinermut tunngassuteqartut ilaapputaaq.

Ingerlatseqatigiiffinni namminersorlutik oqartussanit pigineqartuni ajunngitsumik ingerlatseqatigiiffinni aqutsisoqarnissaanut Namminersorlutik Oqartussat maleruagassiaat Naalakkersuisut nittartagaanni takuneqarsinnaapput:

<http://naalakkersuisut.gl/~media/Nanoq/Files/Attached%20Files/Bestyrelsessekretariate/Retningslin god selskabsledelse dk.pdf>

Susassaqarfimmi tassani Naalakkersuisut immikkut ittunik maleruagassiorsimangillat.

11-02-2016
Suliap normua
All.
nr. 2079646

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqu 1:

Suliffeqarfissuarni atorfinitsitaasartut kattuffinnut sulisitsisuniit pisortaniillu isumaqatigiissuteqarfigineqarsinnaatitaasunut ilaasortaasut sooq kattuffiit ilaasortaaffigisaat avaqquitiinnarlugit immikkut inuttut ataasiakkaarlugit isumaqatigiissuteqarfigineqartarpat?

Akissut:

Akuleruttussaanginnermut tunngaveqarnerup kinguneraa ingerlatseqatigiiffiit namminersorlutik oqartussanit pigineqartut namminneerlutik atorfinitsitsisarnermut akissarsiaqartitsinermullu najoqqutassaminnik aalajangersaasinnaammata, tamatumani lu niuernikkut illersorneqarsinnaasumik ileqquusullu atuuttut naapertorlugit ingerlatsisoqarpat.

Naalackersuisut naatsorsuutigaat ingerlatseqatigiiffiit namminersorlutik oqartussanit pigineqartut inatsisinik akissarsianullu isumaqatigiissutinik isumaqatigiissutaasunillu atuuttunik ingerlatseqatigiiffiit pisussaaffigisaannik eqqortitsissasut.

Ingerlatseqatigiiffiit namminersorlutik oqartussanit pigineqartut akissarsianut isumaqatigiissutinut isumaqatigiissutaasunullu akerliusumik isumaqatigiissuteqarsimanersut Naalackersuisut ilisimasaqarfiginngilaat, akissarsianullu isumaqatigiissusiornerit isumaqatigiissusiornerillu ingerlatseqatigiiffinni ataasiakkaani unioqqutinneqarnersut Naalackersuisunit iluamik naliliiffigineqarusnngillat. Ingerlatseqatigiiffinni ataasiakkaani Naalackersuisut sunniuteqarfigisinnaangisaanni pissutsit matumani eqqartorneqarput.

Akissarsianut isumaqatigiissutaasunik isumaqatigiissutaasunillu unioqqutitsisoqarsimnersoq naliliiffigineqassappat eqqartuussivitsigut, pisariaqassappallu isumaqatigiissuteqarfigisat ilaanneersumik isumaqataangiffiusumik aaqiiniartussa qaqutigalugu iluarsisoqartariaqarpoq.

Naalackersuisut allatut oqaatigalugu illuatungeriit kiffaanngissuseqarlutik isumaqatigiissuteqarsinnaanerit akuleruffigerusnngilaat.

Apeqqu 2:

Kalaallit Nunaanni Sulisussanik atorfinitsitsisarneq pillugu inatsisitigut piumasaqaataasunik Naalackersuisut sukaterilersaangillat?

Akissut:

Suliffinni akissarsianut atorfinitsitsinermullu atugassarititaasunut tunngatillugu inatsisinik allangortitsinissamut Naalackersuisut massakorpiaq pilersaaruteqanngimmata nalunaarutigineqassaaq.

Apeqqu 3

**Suliffeqarfissuit Namminersorlutik oqartussat pigisaasa sulisunik nutaanik ator-
finititsisarnerat pillugu misissueqqissaarnissamik nalilersuinissamillu Naalak-
kersuisut pilersaaruteqarpat?**

Akissut:

Apeqqutigisanni ilusilittut Naalakkersuisut misissuinernik naliliinernilluunniit aallartitsi-
niarlutik pilersaaruteqanngimmata nalunaarutigissavara.

Apeqqutinnut kingusinaarlunga akissuteqarama ajuusaarutigaara, neriuppunga
apeqqutigineqartunut naammaginartumik akissuteqarsimassallunga.

Inussiarnersumik inuulluaqqusillunga
Med venlig hilsen



Kim Kielsen